

日本藏中國罕見

地方志

叢刊續編

北京圖書館出版社

殷夢霞

選編

日本藏中國罕見

地方志

叢刊續編

第 16 冊

北京圖書館出版社

肇慶府志卷三十

知肇慶府事樞李陸 鑿纂修

高明縣舉人區懷瑞分輯

生員陳詩教攷訂

藝文五

記碑三

學記二十五首

肇慶府儒學記

梁致育

高要人訓導

肇慶爲嶺南內郡有學舊矣 國初建置悉仍

故宇殿堂門廡齋廬庖湍以次葺新建業起

得以藏修游息蓋亦有年歷歲旣久且就朽壤
永樂十九年夏大成殿忽傾圯時爲郡者俾蒞
草菅以備祀事宜德改元之秋廣東左叅政况
公文蒞學顧瞻弗治喟然曰不可不亟爲也得
楮幣五千二百五十付訓導楊壽經營之壽秩
滿解去教授李義訓導羅繹繼至促工弗就六
年春今太守四明王公瑩繇刑科給事中奉
勅命出守茲郡始至大懼祀謁不恭恐怠教緒
罔以稱建學養才之意謀於同府馬公載通府

常公衡推府蕭公宗誠議已克合相舊殿基低
隘不足益其土而高之斥東西屢僅一尋增前
後楹不及尋尺許以高要知縣蕭進集其事復
聚材鳩工侈而大之適中使黎公文遙陳公璟
至郡皆樂施勸工肇慶衛官亦相率出私帑以
贊不及自是執役趨工之人以後至爲羞材良
力勤併手皆作越二年新廟成塑先聖四配十
哲像十五補兩廡從祀像二十有二棟宇盤峻
嚴嚴翼翼髹彫黝堊光彩炳耀門廡堂舍森像

去故設新用人之力若干王而人亦以爲無益
王之費若干縉而人不以爲侈肇工於宣德
年六月初三日以宣德八年八月十五日訖
凡物之經久則壞壞而不已必將復興其理然
也僉謂是役之成不苟而歲月不可不紀世徵
記於予惟四代之學大備之制具載於經可見
已自是而後學非不興而教化風俗大率不及
前代者名實之所以異也我國家制治以學
校爲首不惟不襲其故常猶必責備其實效六

十餘年之間漸摩造就之久人人蒙其教賢興俗
化與虞夏商周相彬彬矣今太守公暨其佐若
屬又皆以文學起身乃能知所先務新殿宇使
朔望有謁知尊師也葺堂舍使朝夕有講知敬
業也學焉而知尊師敬業則在門墻皆高明俊
偉之人居官守皆忠良賢能之士仁讓可興澆
薄可革益以見 聖明德化所覃被久而愈盛
是宜記其巔末以啓後之人董是役者署府學
新興邑庠訓導黃端其施財助工姓氏并刻于

禮記

重修肇慶府儒學記

萬

安

南州人
禮部侍郎

肇慶府學舊在府治東宋崇寧初遷于城東一

里許富文坊元季廢當

太祖高皇帝統御之

初首

詔天下郡邑咸建廟學以祀先聖孔子

選民間俊秀子弟講肄學中時廟學興復如故

比因廣西流賊蔓侵境內廟學被燬神明無禮

莫之所師生無授受之地殆二三年華亭黃侯

瑜來守郡防禦之策既畫安養之政復修一旦

慨然以興學校爲已任廼顧賓家語曰祗靈明
飭教化吾儕事耳吾儕責耳今環千里之域無
廟以祀先聖無學以育賢才伊誰咎歟凡官厥
土受厥直所務寧有重於此乎遂合謀具䟽馳
請于 朝而以城內豐濟東倉改作焉又捐已
俸贖鄰居指揮倪廣地以增之仍甯舊學地取
直以充新學之需於是市材鳩工諏日興作首
建大成殿東西兩廡各若干楹次建明倫堂東
西四齋各若干楹庖廩門垣咸備以固高敞弘

禮非他學可比經始於成化丙戌之春而以明
年丁亥之秋落成黃侯乃率寮屬及學官諸生
歲春秋行禮廟庭對越惟慤用稱 朝廷尊崇
先聖之意退卽明倫堂董督學官以課程諸生
俾各有所造詣仰副 朝廷樂育賢才之心以
故學官知所警勵諸生知所奮勉日勤授受罔
敢怠荒踰年顒顒然起而歌鹿鳴趨赴南宮者
殆倍於前謂非侯作興所致而何哉致仕教授
李顯輩以侯茲功不可泯滅遂具始末詣晉州

判官李振屬文紀諸麗牲之石夫惟世之郡邑
司宰多以簿書期會爲能奔趨迎餞爲務其於
安養斯文之計固已漫不知爲何等事况能知
以學校爲重體 朝廷敦崇儒道作成賢才得
意者有幾邪侯通經學古起家進士嘗同知交
州府事廉能愛民卓有成蹟茲來爲郡其於安
養斯文之餘首建廟學以祗先聖飾學事若此
是能體行 朝廷德意者也爲世良有司者也
書是爲記俾後之任政教者尚有所鑒焉成化

六年庚寅冬十月朔

重修肇慶府儒學記

吳節

肇慶府人
太常寺卿

聖人之教原於天命本之人心由乎彝倫物則之中而著於日用事爲之表其具則易詩書禮樂春秋之文其施則事君事長使衆之務皆天理之當然而人道之所當盡也粵自三代之隆田皆井授其教人也內而辟雍外而黨庠術序之教洋洋渢渢歲有飲射讀法令樂養老勸農之禮與夫考成獻馘之制皆行於學宮又有六

德六行六藝之條以選其賢者能者而升用焉
是以當時之士朝夕是聞皆修齊治平之要而
平居之所服習者亦皆仁義道德之言惟其養
之有其素是以用之當其宜此三代盛時所以
久安長治者無非教養得人之效也漢唐以降
代序悠邈非無明君諠辟布求賢之詔以資助
治道者而學校養賢之政則或興或替無以繼
古昔之盛豈時固有所待耶洪惟清朝聖聖
相承崇儒重道薄海內外咸建學宮屢命有司

遴選師儒樂育俊秀廣科貢之途嚴黜陟之任
是以賢才彙征政務畢舉百年以來海宇寧謐
世躋隆平于以復三代之盛而靈祚綿長者嚙
今日之治爲然矣豈漢唐以來有國有家者之
所及耶肇慶爲府號古端南瀕巨江北戴頂湖
寔南服之望郡也故有學址在治所之東宋初
行舍法以其地啾隘從城東一里富文坊凡歷
數十載而後制度乃備迨于元季兵興而燬洪
武初嘗宣方而締構者前守步從信也宣德中

復効勞而藻飭者後守王瑩也此歲以來西獠
竊發焚蕩疆里俎豆器物俱爲所掠雖天兵降
誅屢收大捷而近郭居民尚未寧一成化初雲
間黃公瑜來守是郡恭勤勞徠極力撫綏期年
而流逋四歸政通民和城郭完固於省學之餘
徘徊久之以爲非內徙不可因訪求得廢庾故
地一區高爽平夷可以經始具疏以聞報曰可
乃消辰鳩工啓土輦石于山陶瓦于阜贖材于
市命材榦者董之畫地爲二區右爲武城殿左

列兩廡前爲戟門爲櫺星門肖聖賢遺像祀
之其左爲講堂前分四齋齋之後爲學舍廡漏
之所以居士子越再期而繕治俱完民無勞弊
及釋奠有日師徒雲集父老來觀流野登瑤甍
煌滿目咸謂自三江五嶺以來未之或有也一
日同寅貳守馬公襄謀於郡之諸文學曰揆茲
功役碩大不可無文以紀歲月乃具書遣鄉貢
許仁來徵言將勒于石予喜聖人之道大行於
天下故海隅蒼生皆有其爲帝臣之願今肇慶

得賢太守作新學校樂育英才爲盛時佐理之
助其功寔爲列郡最然則一郡文運之興豈不
深有賴乎於是次第其事以登于石并系以詩
曰惟聖育訓具載六經經明行修政理斯興伊
咎三代治隆俗美亦惟育民以張國紀育材之
要莫先學宮譬彼居肆以收成功有偉端序在
震之郭屢更守長始完制作頃因西獫狁我郊
關竊我籩豆入于窮山天兵肆誅漸安疆理惟
茲黷泮尚餘傾否卓犖黃公來秉耒麾螽來匡